



*Copia Literarum Serenissimi Regis Magnae Brit-  
tanniae ad Sacram Regiam Majestatem Poloniae.*

*Georg II*

P. T. 34.022. II



Ulm vehementer perculsus nobis esset animus, atrocissimā Sententiā in Cives Thorunenses pronuntiata, Literas scripseramus ad Majestatem Vestram jam jam mittendas, quibus spes erat, aequitatem mansuetudinemq; Vestram ita commotam fore, ut severitatem Sententiae istius acerbissimam plurimum mitigaret. Verum Sangvinem miserorum Civium Thorunensium adeo potenter sillerunt efferati, implacabilesq; eorum inimici, ut etiam tempus praestitutum caedibus, cruciatibus, carnificina anteverterent, ne humanitati, Intercessionibusq; locus relinqueretur. Nuntio tam imperato cohorrescentes, Literas istiusmodi, mortem, sangvinemq; deprecantes, supervacaneas fore judicavimus, cum DEI potissimum, iustissimi illius vindicis, animadversioni, hominum innocentium, crudeliter, iniquissimēq; capite plexorum strages committenda esse videatur. At enim verō, cum cruentis hīce supplicijs haud satiati Civium Thorunensium Carnifices, pergant etiam Jura, Libertates atq; Privilegia antiquissima, Civitati nihil tale merita adimere, Ecclesias porro Scholas, Magistratusq; pro libitu suo Protestantibus sive Dissidentibus, uti appellantur, auferre, ac Sanctissima & nullo modo temeranda Pacis Olivenfis fundamenta convellere conentur, diutius equidem silere nequivimus. Non solum Religionis Evangelicae defendendae studium, quo tenemur ardentissimum, nos concitat ad Fratres, injurijs calamitatibusq; oppressos, commiseratione debita prosequendos, sed etiam Fæderum fides, & Coronae Britannicae Fidejussio, quā Carolus II. Antecessor Noster in hoc solio beatæ memoriæ, Pacis Olivenfis Leges inviolabiliter conservandas susceperat, nos laceflunt, provocantq; ad causam Civitatis Thorunensis, Cvarrantia etiam Britannicae amunitæ, tutandam asserendamq; ! Quo circa seriō admodum, enixēq; rogatam volumus Majestatem vestram, ut ex mente pacis illius solennissimæ & perpetuæ, in Monasterio Olivenfi confectæ, curet, quo Thorunium Regalis Prussiae Civitas, Juribus, Libertatibus, ac Privilegijs, tam Ecclesiasticis quā profanis, illibate plenissimēq; gaudeat & fruatur, ut foveat Ipsa, tueaturq; Paternā sollicitudine Magistratus, Communitatem, Cives, Incolas, subditosq; dictæ Civitatis Thorunensis, restituatq; in integrum, quidquid immutatum, turbatum, ablatumq; fuerit, contra sensum clarum, dilucidumq; pacis supradictæ. Hic nobis animus est, atq; eundem fore reliquis Fidejussoribus confidimus, Civitatem Thorunensem ob tumultum isthunc, per plebeculam imprudentem fortē excitatum, minimē meruisse, ut jure atq; immunitatibus antiquis, & Fæderum Sanctitate confirmatis exuatur, verum violari penitus Pacem Olivensem & fas Jusq; tolli, si Magistratum delectus muteur, si Ecclesiae Scholæve Protestantibus auferantur, aut deniq; si in rebus vel Ecclesiasticis vel Civilibus à pristina norma quovis modo defleatur. Atq; ut Fidejussorum partes sunt monere amice, & sedulo operam dare, ne quid detrimenti capiat Fæderum Religio, Majestatem Vestram iterum atq; iterum rogamus, obtestamurq;, ut velit sine mora omnem ansam iustitiae huic querimoniae praecidere, quo nobis, reliquisq; Principibus ac Statibus fiat satis, & vulnus hoc gravissimum, Paci Olivenfi impositum, quancioyus sanetur, reficiaturq;, ne Officijs Conscientiae permoti, & vi Fidejussorum coacti, nos cum universa Natione Britannica, quæ summo cum doloris sensu atq; indignatione maxima, cladem Thorunij editam accepit, atq; alij pariter ex Fidejussoribus, Paciscentibusq; communicatis Consilijs remedia aliundē tanto malo congrua quæramus, comparemusq;. Quod superest &c. Dabantur in Palatio nostro D: Jacobi Die 15 Januarij. 1725.



*Copia Responsi Sacrae Regiae Majestatis  
ad Regem Magnae Britanniae.*

P. T.

**E**X Responso Nostro ad Literas Credenciales Nobili Eduardo Finch Armigero ac Ministro in Comitibus Ratisbonensibus Majestatis Vestrae, dato, sufficienter patuit Majestati Vestrae ratio dilati Responsi Nostri ad alias Majestatis Vestrae de 15. Januarij scriptas, per eundem Ministrum Nobis traditas, & ad Repraesentationes per ipsum oretenus factas. Post reditum itaque Nostrium, explorato sensu hocce in negotio, Nobis à Majestate Vestra commendato, hic pro nunc praesentium Senatorum & Ministrorum Status Ejusdem Regni Nostri, ad praefatas Literas respondemus; perpensisque maturâ deliberatione omnibus hujus negotij circumstantijs, advertimus & incusamus sinistras, ac veritati planè contrarias delationes de Causa Thorunensi, latoque in eadem Decreto, quæ animus Majestatis Vestrae, Inclytamque Nationem Britannicam exagitarunt, ac ad tales Literas, & ad Repraesentationes acerbiores occasionem dederunt. Quemadmodum autem amicitiam Majestatis Vestrae summopere aestimamus, & optimam inter amicas Gentes cointelligentiam optamus, ita Ministris Nostris injunximus, ut dictum Nobilem Eduardum Finch Majestatis Vestrae Ministrum informarent genuinè, de enormissimo crimine & de justitia ac moderatione latae Sententiae in Causa memorata. Ad hanc igitur, per Ministros Nostros Nobili Finch datam, uberiores informationem & Responsum nos referentes, in hac manemus fiducia, quod cognita justitiâ, Vestra Majestas & Inclyta Natio Britannica, illos nocentes reputabit, in illos sensum doloris & indignationem convertet, qui tam improba Relatione commoverunt animum Majestatis Vestrae ad hujusmodi acerbiores querimonias, inter Nos Gentisque Nostras excitandas; Nobis autem & Inclytis Nationibus, quarum Regimen DEUS Nobis concessit, istas suppositiones ac sensibiles expostulationes, rectâ amicitia tuâ & mutuâ benevolentia compensabit, Catholicosque subditos & Incolas Dominiorum Majestatis Vestrae in sua protectione fovebit, prouti Nos etiam justum respectum habebimus Recommendationum Majestatis Vestrae in favorem Subditorum Nostrorum in Religione Dissidentium, in Regno Nostro & Magno Ducatu Lithvaniae degentium. In hoc voto & spe Divini Numinis tutelae Majestatem Vestram commendamus Dabantur in Regia Varsoviensi Die 18. Mensis Augusti. 1725.

*Responsio ad Repraesentationes Illustrissimi Domini Edvardi Finch Armigeri ac Ministri in Comitibus Ratisbonensibus Serenissimi ac Potentissimi Magnae Britanniae Regis, per Nos Ministros Status Regni Poloniae & M. D. Lithvaniae. Data Varsoviae Die 18. Augusti 1725.*

**E**X mente & Beneplacito Sacrae Regiae Majestatis Domini Nostri Clementissimi & praesentis Senatus, ad Repraesentationes Illustrissimae Dominationis Vestrae hanc respondimus Eidem Responsum.

Damus imprimis Informationem in Scripto, intuitu Decreti lati & ad Executionem deducti in Causa Thorunensi.

Ex hac Informatione reali dignoscet Serenissimus Rex Magnae Britanniae, quod si eam habuisset, non potuisset unquam pro Conscientia interponere Instantiam suam, favore tam atrocium Criminum reorum, nec exposit tam fervidam facere expostulationem.

Universus Orbis informatus de circumstantijs tam atrocissimi & enormissimi sceleris, admirabitur potius Moderationem & Clementiam Judicii Regij, in puniendo tam horrendo crimine.

Sacra



Sacra Regia Majestas Dominus Noster Clementissimus & Respublica nullos habet Tractatus cum ulla Potentiâ, ratione Dissidentium in Regno & M. D. Lithvaniæ existentium, Non habet nec habere debet ullam à quopiam dependentiam, tanquam Domina sui absoluta, pariter ut & aliæ Potentiæ in materia Religionis, & in omnibus negotijs Statûs, non alium Superiorem, nisi DEUM & Ensem recognoscendo.

Et si Sacra Regia Majestas Dominus Noster Clementissimus in virtute Pactorum Conventorum cum Republica, obligatus est Pacem inter Dissidentes tueri, nonne hoc idem punctum obligavit Judicium Sacræ Regiæ Majestatis, ad punienda talia crimina in Dissidentibus, Pacem internam convellentibus, quibus non exorbitantibus, sed quiete secundum præscriptum Legum viventibus, eadem pax conservatur.

Quo ad Tractatum Olivensem, Hic qualiter violatus sit, notum est universis: Quod videlicet per Suppressionem Religionis Catholicæ Romanæ in Livonia, & per ultimum Bellum Svecicum Reipublicæ Pacem desideranti, Mediationem inter Serenissimum Regem Dominum suum & Regem Sveciæ defunctum proponenti, & in occursum non cum Exercitu, sed cum Legatione ad hunc finem obvianti, illatum, ac sub specie Hospitis non Hostis intentatum, cum ingenti ruinâ ac desolatione Provinciarum Reipublicæ penitus infractus est.

Non manutenerunt hunc Tractatum & aliæ Potentiæ ad Guarrantiam pertinentes: quando non solum pro hac injuria non reclamârunt, & Serenissimum Regem atq; Rempublicam non secundârunt, verum è converso, illo ipso tempore, quando Provinciæ Reipublicæ ingentibus exactionibus, Villarum, Oppidorum, & Arcium combustione, cum effusione Sangvinis Christiani funditus devastabantur, & quando Civitas Thorunensis in oppugnatione ac deditioe sua, veram non imaginariam calamitatem graviter patiebatur; eo ipso tempore Sacram Regiam Majestatem Dominum Nostrem Clementissimum, Principem Bellicosum, Exercitus Utriusq; Gentis, paratos ad ferendum Clementissimum, Præsidium, ordinantem, spe pacis, actualiq; ejus tractatione, a ferendo auxilio revocârunt.

Sed dato, non concessô, quod hicce Tractatus Olivenfis absq; sua redintegratione subsisteret, tamen Serenissimus Rex Magnæ Britanniæ ex hoc Decreto legitime, regulariter & servatis juris gradibus lato tum & ex informatione perspectum habebit, nihil absolute contra hunc Tractatum in Causa Thorunensi actum esse; prout hæc eadem Informatio Illustrissimæ Dominationi vestræ in scripto data, evidenter demonstrabit.

Si Illustrissima Dominatio Vestra, aut aliquis alius Minister Serenissimi Regis Magnæ Britanniæ fuisset præsens Varaviæ eo ipso tempore, quando in Comitibus Causa Thorunensis agitabatur, audivisset congregatorum ex Gentibus Statuum voces, ac per eos omnium Palatinatum, Terrarum & Districtuum conclamantes justitiam & vindictam læsi Honoris Divini, violatæ Immunitatis Ecclesiasticæ & Securitatis publicæ: Nec dubitandum est de simili in Polonia Episcoporum & totius Nationis vera resolutione, quod propter DEUM & Honorem suum omnia Sacrificare sint parati; & licet extrema non exoptent, attamen eadem unanimis ipsis inest voluntas, in casu necessitatis facta factis opponere.

Tribuimus cuiq; Nationi suas Laudes, sed & Nos provocati, sine jactantia commemorare possumus, quæsitam meritis Gentium Nostrarum gloriam. Pleni sunt Historiarum Fasti generosæ fortitudinis, & Bellicæ Virtutis earundem: Prætereamus Silentio Anteriorum Sæculorum varijs cum hostibus acta, liceat tamen innuere ea, quæ Natio Nostra sola, absq; Colligatorum Armis, contra Potentiam toti Christianitati terribilem fortiter gessit sub Vladislao protunc Principe Regio, demum Rege, tum & sub alijs ejus Successoribus, præcipuè etiam sub Joanne Tertio gloriosæ Memorix, & sub Moderno Serenissimo Rege feliciter nobis Dominante, quando ad solam famam, appropinquantis cum Exercitu Majestatis, Pax Carloviciensis successit. Vidit & modernum Sæculum fortitudinē & firmitudinem Gentis Nostræ, quando Serenissimus Rex Dominus Noster Clementissimus, & si cum parte tantum modo Subditorum suorum, alijs in scissione manentibus, superavit omnes adversitates, quarum sub tempus Belli nemo experts fuit: Ac proinde quemadmodum Nos nemini quoquomodo derogamus, ita quivis non ignarus rerum, nobis tribuet affirmabitq; & nos esse Gentem parem sustinendæ resolutioni.

Eo magis si ageretur de defensione veræ Fidei Sanctæ, certè nulla foret Scissio, sed omnes libenter sese sacrificarent pro manutentione ejus: Est DEUS in nobis, agitante calefcimus Illo.

Dissidentes in Religione sub svavissimo Dominio Sacræ Regiæ Majestatis degentes, non possunt conqueri, quasi de violatione legum Patriarum, professioni ipsorum tervientium; Adeo enim hæc falsæ ipsorum relationes, sunt alienæ à veritate; prout è converso res est certa, quod iidem Dissidentes non contenti concessâ ex gratia Regum & Reipublicæ professi-



professione, eadem indulgentiâ temeré abutuntur, pacem internam turbant, & convellant, & quod majus, Religioni Orthodoxæ Dominanti multa valde præjudicia adferunt. Remedia violenta, detrectando jurisdictiones competentes, illicita, Legibusq; Patrijs prohibita quærunt, ac per vias artesq; obliquas procurant.

Et licet tam enormibus attentatis, omnes gratiæ & respectus Sacræ Regiæ Majestatis & Reipublicæ amissionem promeruerunt, attamen nihil contra ipsos Sacra Regia Majestas cum Statibus Reipublicæ statuit, intuitu harum exorbitantiarum, & parata est ulterius quoq; eos protegere, ob æstimationem Amicarum intercessionum Serenissimi Regis Magnæ Britanniæ favore eorundem, Sine præjudicio Religionis Orthodoxæ Dominantis, & legum Patriarum: idq; in hac fiducia & expectatione, quod Serenissimus Rex Magnæ Britanniæ & Natio Brittannica vicissim eandem æquanimitem Catholicis, in Ditionibus suis exhibitibus demonstrabit, quatenus possint desiderata in exercitio Religionis suæ frui libertate.

Sperat Sacra Regia Majestas Dominus Noster Clementissimus, quod reproductæ Informationes reales depellent totaliter injustas & sinistras relationes, atq; impressiones, convincent de Justitia, retorquebunt indignationem & resentmentum in eos, qui rem finistræ deferebant, Justitiam in injustitiam, moderatam pœnam in excessivum rigorem falsis nominibus commutabant: & quod prout Reges Domini Nostri juncti Sangvine & amicitia, ita & Gentes ipsorum in solida permanebunt harmoniâ.

Hanc igitur Informationem & Responsum ex Mandato Sacræ Regiæ Majestatis Domini Nostri Clementissimi & ex mente Senatus præsentis dando Illustrissimæ Dominationis Vestræ concludimus: Quod si præter expectationem nostram non deberet totaliter satisfacere Serenissimo Regi Magnæ Britanniæ, quatenus in futura Comitiorum Reassumptione mentem suam Congregatis Regni Ordinibus exponat: Tales enim materiæ, quæ totam Reipublicam tangunt, & ad Ordines Regni pertinent, non aliter resolvî possunt, quàm in Comitijs, circa indilatam Eorundem ex Limitatione Reassumptionem, ex re & commodo publico.



ru  
dic  
ea  
Le  
de



facile  
Pr  
Cath  
& po  
Augu  
arcea  
Sin  
curia  
fita  
ta R  
N  
Reg  
infur  
mult  
Gion  
Ha  
Anne  
os G  
nati  
tis  
bant  
fenes  
sam  
rabile  
inter  
legia  
bus,  
Altan  
aggre  
concl  
muti  
ex  
subsa  
facin  
bere  
m  
ubi



*Relatio vera, quomodo & quibus de Causis Thorunenses Cives ob commissa sua crimina in Iudicio Sacrae Regiae Majestatis judicati, & post eductas Inquisitiones Partium iuratas ad pœnas Legum Regni condemnati sunt, & quia pœnae pro delictis illorum irrogatae non derogant quidquam Pactis Olivenfisibus.*



**S**i excusare, sufficit, nullus in Orbe esset nocens, quisq; etiam scelestissimus evidentissima sua crimina extenuat, excusat, defendit, id planè conspicimus in facto damnabilissimo Thorunensis Civitatis, quæ postquam Divina, humanaq; jura violavit, speciem induta innocentiae, quærit compassionem & patrocinia, per gravissimam diffamationem iustissimi Iudicii Sacrae Regiae Majestatis & totius Reipublicae Polonae. quasi iniurii & partialis pro Passione non pro æquitate agentis, proinde congruum est, ut Causa Thorunensis genuinè oculis omnium exponatur, quæ ipsa sua immanitate Sacrilega facile defendet iustitiam.

Pro Informatione meliori notandum, Primo. Quia in Civitate Thorunensi Religio Catholica à Cruciferis illuc introducta, continuò non solum ante bellum Svecicum, sed & post bellum viguit, & in hucusq; viget, habetq; provisam sibi securitatem, ne ab Augustanae Confessionis Magistratu opprimatur, & ne Catholici à gerendis Magistratibus arceantur sub pœna quingentorum Aureorum Constitutione Anni 1638. fol: 44.

Similem quoq; Religiosi Patres Soc: JESU in hac Civitate degentes, vallatam habent securitatem, cum concessione Scholarum, artiumq; liberalium ibidem exercitatione, interposita contra Magistratum pœna, de invasione Domus Nobilium Sancta: (quæ iuxta Statuta Regni est privatio vitæ:) Constitutione Regni Anni 1607. fol. 834.

Nemini quoq; ignotum est quomodo Cives Acatolici Thorunenses, spretis Legibus Regni, sæpius contra Catholicos, imò & ipsosmet Episcopos loci Ordinarios violenter insurrexerint, Jesuitas expulerint: (quorum Reinductio Lege Regni erat demandata:) tumultuariq; consueverint, & postea suis modis pœnas promeritas evaserint, & semel erectione Turris Culmzensis redemerint, unde insolentiores redditii sunt.

Hac spe immunitatis ducti, quod præteriti illorum tumultus leviter transirent, recenter Anno proximè præterito 1724. Mense Julio ex levissima eaq; puerili occasione per suos Gymnasistas Thorunenses tumultum excitarunt. Cui tumultui plurimi etiam possessionati se immiscuerunt, qui violenter & magna vi foribus Collegii & Scholarum effractis Patres Soc. JESU invaserunt, & ibidem quidquid occurrerat fragile, armis frangebant, secabant, confodiebant, imò explosis sclopetis & bombardis trajiciebant, fornaces, fenestras, mensas, libros destruebant Cubicula devastabant, suppellectilem totam Religiosam diripiebant, Religiosos obvios percutiebant, vulnerabant, unum ex illis qui Venerabile SACRAMENTUM defendere satagebat usq; ad mortem (quæ aliquo temporis intervallo subsequuta est:) miserabiliter & lethaliter contuderunt, Crevit ausus ad Sacrilegia, Omnes Imagines Christi Domini, Deiparae Virginis & Sanctorum gladiis, pugionibus, ascis, secando, fodiendo, lacerando, barbarâ planè sævitie, tandem etiam Oratoria, Altaria & Sacellû ubi Sacratissimû SACRAMENTUM prætens adorabatur, impiâ feritate aggressi sunt, Altaria profanarunt, imò penitus dissecarunt, Imagines pedibus contriverunt, conculcarunt, Christi Crucifixi Domini Salvatoris effigiem sculptam pedibus & manibus mutilarunt, Imagines Deiparae & Patronorum Regni Poloniae in publica platea, instructo ex Altaribus & Cathedris accenso ferali rogo, cum magnis in DEI Matrem blasphemis, subsannationibus, cachinnis, & saltibus concremarunt, hæc autem crimina & immanissima facinora Thorunensium, qui excusare, extenuare, aut defendere volunt, præ oculis habere debent sequentia.

imo. Quia in Dominiis Catholicis Domus Religiosa multo magis Oratoria & Sacella, ubi asservatur Sanctissimum SACRAMENTUM, & Altaria dedicata, adeo privilegiata, ut



ex illis nefas sit etiam sceleratissimum vi extrahere, certe non minoribus hi loci gaudent immunitatibus, quam Regum, Principumq, Palatia, quorum violatores jure communi severè puniuntur.

2do Quòd apud Catholicos Imagines Christi Domini Nostri Salvatoris, DEI Genitricis & Sanctorum, præsertim Tutelarium Regni, sint in maiori longè honore, quam sunt Imagines Regum & Principum, quæ tamen si ab aliquo malitioso iniuriâ afficerentur multò magis, si in aliqua Civitate in publica platea contumeliosè cremarentur, Profanatores & Combustores earundem Imaginum, criminaliter punirentur, & ipsi Gentiles pro suis Sacris Altaribus justam sumerent vindictam.

3tio. Quia hæc omnia facta sunt in contemptum Religionis Catholicæ Dominantis in Regno Catholico, sub Rege Catholico à Subditis eius.

4to. Quia Civitas Thorunensis & cæteræ Civitates speciali statuto Regni à Sigismundo Primo Rege Anno 1522. habent securitatem & tranquillitatem provisam à quavis violentia inferenda, quam tamen ipsimet Jesuitis intulerunt, & statutum hoc Constitutionesq, Regni violarunt.

Antequam autem condescenderet Judicium Sacræ Regiæ Maiestatis ad formandum in hac Causa Decretum designavit Commissionem ad Inquisitiones in loco delicti educendas adhibendo Commissarios in numero extraordinario, eosq, ex Ordine Senatorio Proceres Regni & Officiales Palatinatum, Viros omnes Conscientiæ intaminatæ & fidei apud Rempublicam probatissimæ.

Hi non perfunctoriè nec præcipitanter, sed ultra duas hebdomadas continuò de die in diem circumspectissimè scrutando facta & attentata Juratos utriusq, Partis testes examinarunt, subscriptosq, omnium Commissariorum manibus, & singulorum Sigillis munitos ritè clausos inquisitionum rothulos ad Judicium Sacræ Regiæ Maiestatis remiserunt.

Tandem Causa post tres terminos Juridicos legitimè incidens ex utraq, Parte coram Judicio Sacræ Regiæ Maiestatis ingenti motu est agitata, quod Judicium pro Maiori Autoritate & iustitia conflatum ex ministris Regni, & M. D. Lithvaniæ Senatoribus Proceribusq, ac Marechalco Comitiorum, & Nuntiis ad Comitia Congregatis, omnibus Viris plenis Autoritate, peritiâ Legum & iustitiâ insignibus; hi utriusq, Partis rationes & defensas ad lancem Legum & Jurium Regni ponderabant, ultra hebdomadam integram istius unius Causæ iustitiæ intendentes, demum post longam & maturam deliberationem stetit Decretum contra Tumultuarios & Sacrilegos Thorunenses, in omnibus Punctis observando Leges & Statuta Regni, Leges etiam communes, Leges Culmenfes & Saxonicas prout ex contextu eiusdem Decreti apparet.

Hinc quisq, prudenter inferre potest, quod tale Judicium tam Authoritativum, tam prudens, tam iustum, nullum præiudiciosum Legibus, Juribus, & Privilegiis Decretum formavit.

Descendendo ad particularia patuit ex inquisitionibus, quia per quatuor horas & mediam durabat tumultus, huic tumultui adstabant armati milites Civitatenfes & frequens recursus Catholicorum cum precibus & lachrymis ad Præsidentem iterabatur, ut sedaret tumultum. Interim his omnibus stantibus nec digitum quidem movit Præsides ad sedandam hanc tempestatem, & licet tres Quartieras: (alias Exdivisiones:) Civitatis contra quemlibet Civem sub pœna triginta Imperialium imposita per famulos suos cum armis evocari fecit, Quæ tamen Quartieræ, nihil contra tumultum egerant, quinimò illi assistebant, itaq, non erat excusabilis Præsident, non tantum à gravissima & culpabilissima contra suum Officium dissimulatione, verum etiam & complicitate.

Pariter Vice Præsident ante cuius fores Rogus ex Altaribus ad comburendas imagines instruebatur, & in illius oculis Imagines cremabantur, & qui tumultum præstò furentem è fenestra Domus suæ prospiciendo animavit, ad sedandum ex Officio suo sese non applicavit: (uti iurati Testes deposuerunt:) non erat excusabilis.

Burgravius similiter eiusdem Civitatis ex Domo sua satis distant propius accessit, & per semiduas horas tumultum & scenam miserabilem spectabat, & ex vi muneris Burgrabialis ad sedandum hunc tumultum non concurrebat, excusari non potuit.

Clare patuit malitiosa & punibilis Primorum Civitatis Capitem dissimulatio ac conniventia in hoc tumultu ex Testium Juratorum depositione.

Ex his tribus Præsident capite plexus est, Vice Præsident simili quidem pœnâ condemnatus, tamen ad instantiam Partis Actoreæ & Catholicorum ad clementiam Sacræ Regiæ Maiestatis per Commissarios: (qui ad Executionem Decreti Regii deputati erant:) remissus. Burgravius non nisi ad Sessionem Turris destinatus, quæ ipsa pœna à Parte Actoreæ illi est condonata.



Novem subierunt pœnam Capitis, quàm tam ipsi, quàm plures pro sola invasione Collegii Jesuitarum iuxta Leges Regni & specialem Constitutionem Regni supra allegatam Anni 1607. Jesuitis fervientem promeruerunt, ex Clementia tamen Judicii, hi novem, qui erant manuales Patratores concisarum & combustarum Imaginum, nec non tumultus Incendiarij & Promotores, non atrociori morte puniti, nec plures uti Leges requirebant, capite plexi sunt, certè si Catholici huic tumultui se immiscuissent, pari vel severiori cum illis pœna mulctati essent.

Reliqui Invasores Scholarum & Collegii, Damnificatoresq; Sessione Turris, pro mensura excessus puniti, quibus omnibus ex Clementia Commissariorum & Partis Actorez indulgentiâ pœna hæc relaxata est.

Reliquæ pœnæ in Decreto Judicii Sacræ Regiæ Maiestatis expressæ, quæ totam Civitatem afficiunt, quia tota Civitas & Magistratus atq; Officiales: (uti Inquisitiones iuræ testantur:) ad hunc tumultum contribuebant, non tam pœnæ censendæ, quam executio Legum ad effectum deducta, iuxta dictamen ipsius iustitiæ, quæ cuiq; quod suum est reddere iubet, scilicet Templi nulliter occupati & Gymnasii ex Monasterio privatim facti restitutio, & in alium locum permissa translatio, ad munia Civilia Catholicorum admissio, damnorum causatorum refusio.

Sciendum etenim primo. Quod Templum Beatissimæ Virginis fuerit & sit proprium PP. Bernardinorum, illudq; ipsis nullo iure Acatolici ademerunt, malâ fide possederunt, ad multas instantias & Regum Poloniæ mandata restituere noluerunt, uti Literæ Regum Sigismundi, Vladislai, Joannis & alia Literatoria documenta producta in Judicio, edocent, quàm Ecclesiam RR. Bernardini ob suam Religiosam modestiam, & uti mendicantes impensis ad movendam litem carentes, iure vindicare non potuerunt, crebris tamen supplicationibus, Regibus porrectis, & Protestationibus factis, de recuperanda opportuno tempore eadem Ecclesiâ fecerunt, atq; in Judicio Regio, dum Causa inter Patres Soc: JESU atq; Civitatem Thorunensem agigaretur, intervenerunt, proprietatem illius deduxerunt, Acatolici verò nullum Jus ad eandem Ecclesiam produxerunt, itaq; Jure merito in eandem Ecclesiam, de qua expulsi erant, ex Decreto Sacræ Regiæ Maiestatis reinducti sunt. Quibus Religiosis inventarium huius Ecclesiæ non ex integro, uti olim interceperat Magistratus Thorunensis restituit.

Sciendum secundo. Quod Gymnasium Thorunense fons & origo non tantum præsentis tumultus, sed & aliorum antea fuerat, estq; ex Monasterio Religiosorum Bernardinorum privatim erectum, & non est Authoritate Regum & Reipublicæ approbatum, cum tamen Leges huius Regni non permittant Scholas publicas erigere, neq; ostendi possunt hoc in Regno aliqua erectæ Scholæ, quæ non sint per Constitutionem Regni ratificatæ, itaq; ex nullitate erectionis, & quia in Monasterio RR. Bernardinorum erectæ, tum ex Causâ tumultuum, multarumq; inconvenientiarum hoc Gymnasium RR. Bernardinis, uti proprietariis Decreto Sacræ Regiæ Maiestatis adiudicatum est: Satis gratiæ habent Thorunenses, quia illis Judicium Sacræ Regiæ Maiestatis alium in locum extra Civitatem Thorunensem Scholam seu studium transferre permisit.

Sciendum tertio. Quod per Decretum Judicii Sacræ Regiæ Maiestatis demandatum sit, quatenus in Magistratu Thorunensi, aliisq; muniis Civitatis per medium Catholici sint constituti, hoc primo quasi ex Jure Naturæ factum, uti in Civitatibus Regni Catholici, sub Rege Catholico habeant ius ad munia Civitatis, prout è converso in omnibus Regnis & Dominiis Dissidentium nullus Catholicorum ad Magistratum & alia munia admittitur. Secundo. Quia est expressè Regni Constitutio supra allegata Anni 1638. ne sub pœna quingentorum Aureorum ullus Catholicus impediatur à muniis & Officiis in Civitatibus Pruthenicis obeundis; Leguntur etiam Rescripta Regum Poloniæ, ut ad Magistratus gerendos soli duntaxat Catholici & Augustanæ Confessionis admittantur.

Quod etiam & Decretum Joannis III. Regis 1678. edisserit, neq; etiam Thorunenses aliquam Legem vel Privilegia habent, quæ ipsis contra Catholicos suffragari possint excluderent Catholicos à gerendo Magistratu & Officiis Civilibus.

Nulla etiam est mentio in Pactis Olivenfis de Templo & Gymnasio Thorunensi & de Magistratu integro Luteranensi constituendo, unicè in his Pactis præscribitur, quo ad Civitates Pruthenicas, ut illis sit Exercitium liberum Catholicæ & Evangelicæ Religionis, quod etiam iisdem Evangelicis per hoc Decretum non est prohibitum, imo Jura eorum eodem Decreto de Electione Magistratus salva sunt reservata.

Neq; etiam Pacta Olivenfis permittunt Acatolicis Residentias Spirituales & Religiosorum Catholicorum invadere, Oratoria destruere, Imagines lacerare, comburere, aliq;



crimina patrare, prout Thorunenses patrarunt, neq; etiam prohibent pro patratu criminibus A catholicos subditos Sacra Regia Maiestatis, Iudicio eiusdem Sacra Regia Maiestatis punire, quibus Iuribus Regni rebellem se hac Civitas exhibuit, nec deniq; eadem Pacta Olivenfis antiqua Jura Catholicis servientia, Constitutionesq; Regni contra Dissidentes latis, precipue de non arcendis Catholicis a gerendis Magistratibus & securitate Religionis Catholicae ante Bellum Syeticum, convellunt.

Concludendum est, quod iuste & Sancte in tam graviter contra securitatem publicam & Religionem Catholicam in Polonia Dominantem delinquentes pro suo demerito puniri non habeant, quod iure conquerantur, & gratis omnino Principes & Monarchas Extraneos fatigent, & inquietent, quin potius Clementem sibi iustitiam Serenissimi Regis Poloniarum & Reipublicae depradicent.

Restat ut Serenissimi Principes ad quos Dissidentes seu Thorunenses recurrunt, persuasum habeant, quod pii Reges ac Principes Catholici crimina contra DEI & Divorum Maiestatem acerbius ferant, illaq; ex obligatione Religionis suae severius punire debeant, quam contra Maiestatem suam propriam, utpote humanam perpetrata.

Persuasum quoq; Nobis est, quod iustissimi & prudentissimi Reges ac Principes Propter tantum sceleratis Malefactoribus, Invasoribus, Occisoribus, Sacrilegis, Blasphematoribus, quales in Relatione facti Thorunensis superius demonstrati, assistere nollent, illorumq; crimina inulta non patientur, demum plus fidei & respectus dabunt Serenissimo Regi Poloniarum & Reipublicae, pro iustitia iudicanti, quam mendacibus Malefactoribus, iniuste querulantibus, promptis ad excusandas excusationes in peccatis.

